




ხაშურის მთაშუა



№50 (81)

30 დეკემბერი, პარასკევი, 2016 წელი

გიორგი გურასპაშვილი: მინდა, თითოეულს გისურვოთ, რომ 2017 წელი თქვენი იმედების, მიზნების გამართლების წელი ყოფილიყოს!

ჩვენი გაზეთი, ტრადიციულად, მკითხველს საახალწლო ნომერში მუნიციპალიტეტის პირველ პირს ახვედრებს. ტრადიცია არც ამჯერად დაგვირღვევია და ინტერვიუსთვის მუნიციპალიტეტის გამგებელს, გიორგი გურასპაშვილს ვესტუმრეთ:

-ბატონო გიორგი, ამაზე ხშირად გვისაუბრია, ამიტომ მოკლედ რომ შევაფასოთ, როგორი იყო 2016 წელი ხაშურის მუნიციპალიტეტისათვის?

-2014 წელს, ადგილობრივ თვითმმართველობაში მოსვლის შემდეგ, ის კურსი, რომ მაქსიმალური ყურადღება ინფრასტრუქტურული პროექტების განხორციელებაზე აგველო, ვფიქრობ, 2016 წელს მნიშვნელოვნად გაგრძელდა. პირველ რიგში, გამოყოფილი სპორტკომპლექსის მშენებლობას, რაც სასიცოცხლოდ მნიშვნელოვანია ჩვენი მუნიციპალიტეტისათვის, უკვე აქტიური სამუშაოები მიმდინარეობს და მომავალ წელს დასრულდება. დაბა სურამშიც მნიშვნელოვანი სამუშაოები ჩატარდა, საბავშვო ბაღის, მუსიკალური სკოლის რემონტი, პოლიკლინიკის რემონტი, რომელიც უახლოეს დღეებში დასრულდება და განსხვავებულ გარემოში მიიღებს მოსახლეობა სამედიცინო მომსახურებას. ხაშურში გაავარძელეთ საბავშვო ბაღების აღდგენა, მინი სტადიონების, გზების კეთილმოწყობა. განსაკუთრებით, სოფლებში ჩატარდა სამუშაოები, რაც, რა თქმა უნდა, არაა საკმარისი, მაგრამ იმედის მომცემია, რომ ხაშურის მუნიციპალიტეტში მსგავსი ტიპის პრობლემები მინიმუმამდე იქნება დაყვანილი. მნიშვნელოვანი

გისუხვებთ მაკეჩიაღუ და სუციე ნინსვდას!

მინდა, ახალი წელი მივულოცო ხაშურის რაიონში მცხოვრებ ყველა ოჯახს, მოხუცსა და ახალგაზრდას, განსაკუთრებით სოციალურად დაუცველებს და ჯანმრთელობაშენახულ ადამიანებს.

დღეს, ეკონომიკური პრობლემებით შეწუხებულ მოსახლეობას ძნელია რაიმე დამაიმედებელი უთხრა, მაგრამ მინდა იცოდეს ყველამ, რომ რაიონის საკრებულო და პირადად მე ყველაფერს ვიღონებ ამ პრობლემების შესარბილებლად და შესამსუბუქებლად. წელს კიდევ უფრო მეტია დაგეგმილი გასაკეთებლად, როგორც ინფრასტრუქტურის, ასევე კულტურულ-საგანმანათლებლო კუთხით, დაიწყება წმინდა დიმიტრი ყიფიანის სახლ-მუზეუმის რეაბილიტაცია, ახალი სკოლის მშენებლობა დიდ ფლევეში, იუსტიციის სახლის მშენებლობა, დასრულდება სპორტული კომპლექსის მშენებლობა და განხორციელდება სხვა დიდი თუ მცირე პროექტი.

ჩვენ მზად ვართ, ყოველთვის ვიდგეთ ჭირსა თუ ღხინში მოსახლეობის გვერდში.

გისურვებთ მატერიალურ და სულიერ წინსვლას.

ვაჟა შუბითიძე,

ხაშურის მუნიციპალიტეტის საკრებულოს თავჯდომარე.

ღვთის წყალობას, მშვიდობას, სიხარულს დაესადგურებინოს თქვენს ოჯახებში!

ჩვენს თანამოქალაქეებს, სრულიად საქართველოს, მოგილოცავთ შობა-ახალ წელს! ფეხბედნიერი ყოფილიყოს 2017 წელი ჩვენს ქალაქში. ღვთის წყალობას, მშვიდობას, სიხარულს დაესადგურებინოს თქვენს ოჯახებში.

კიდევ ერთხელ მადლობას გიხდით მხარდაჭერისა და ნდობისათვის. ერთად დავდგეთ იმ ღირებულებების ერთგულებით, რაც ჩვენი ქალაქის განვითარებასთან გვაკავშირებს.

ღმერთმა გაგაძლიეროთ, გაგამრავლოთ და გაგახაროთ!

სიმონ ნოზაძე,

ხაშურის მუნიციპალიტეტის მაჟორიტარი დეპუტატი



სამუშაოები გატარდა ენერჯეტიკის კუთხითაც, გომისა და ქვიშხეთის ტერიტორიულ ერთეულში შემავალი სოფლებში უკვე დასრულდება გაზიფიცირება და მომავალ წელს თითქმის არ იქნება სოფლები, რომელთა გაზიფიცირებაც არ მოხდება. მნიშვნელოვანი იყო აგრეთვე სოციალური პროგრამები, სოციალურად დაუცველი მოსახლეობისათვის. განხორციელდა მრავალი კულტურული პროექტი, არაერთ ცნობილ შემსრულებელს ვუმასპინძლეთ, საიდანაც, ვფიქრობ, დიდი სიამოვნება მიიღო ხაშურის მოსახლეობამ.

-რა მოლოდინი უნდა გვქონდეს 2017 წელს?

-ბიუჯეტი 2014 წლიდან 2 მილიონი ლარითაა გაზრდილი, ამის საშუალება მოგვცა განხორციელებულმა პრივატიზაციებმა, რომლებიც წარმატებით ჩატარდა და დამატებითი შემოსავალი მოიტანა მუნიციპალიტეტისათვის, იგივე გაგრძელდება მომავალ წელსაც. გვაქვს ამბიციური გეგმები, დაიწყება ახალი საბავშვო ბაღის მშენებლობა მინისტარის დასახლებაში, სოფელ ტეხურში შევისყიდეთ ორსართულიანი სახლი, სადაც განთავსდება საბავშვო ბაღი, მოხდება რამდენიმე დიდი ქუჩის მოასფალტება, სურამში დასვენებისა და გართობის ახალ პარკს გავაკეთებთ რკინიგზის სადგურის ტერიტორიაზე, დასრულდება სპორტკომპლექსი, კულტურის სახლის რემონტი. გარდა ამისა, მინიმუმ ექვსი მინი სტადიონი მოეწყობა მუნიციპალიტეტის სხვადასხვა დასახლებებში და ყველაზე მთავარი იქნება ალბათ, ის, რომ დაიწყება დიმიტრი ყიფიანის სახლ-მუზეუმის სარეაბილიტაციო სამუშაოები, რომელიც ორწლიანი პროექტია.

(დასასრული II გვერდზე)



ინფრასტრუქტურული პროექტები, რომელებიც ჩვენს მუნიციპალიტეტში 2016 წელს განხორციელდა

2016 წელს მარტლაც ბევრი რამ შემატა ჩვენს მუნიციპალიტეტს. მხოლოდ ინფრასტრუქტურულ პროექტებში 4 მილიონ ლარზე მეტი დაიხარჯა და მთლიანად 150-მდე პროექტი განხორციელდა. ბუნებრივია, გაზეთის ერთ ნომერში ყველას წარმოჩენა შეუძლებელია და დღეს მხოლოდ შედარებით მსხვილი პროექტების ნუსხას გთავაზობთ.



ადმინისტრაციული შენობისა და მიმდებარე ცენტრალური მოედნის რეკონსტრუქცია.



სურამში, გურამიშვილის ქუჩის რეაბილიტაცია.



მე-9 საბავშვო ბაღის (სურამის) სრული რეაბილიტაცია.



მე-5 საბავშვო ბაღის რეაბილიტაცია.



რკინიგზის კულტურის სასახლის რეაბილიტაცია



ომში დაღუპულთა მემორიალის რეკონსტრუქცია



აგარა-ჯორჯაძის ქუჩის მოასფალტება



მე-3 საბავშვო ბაღის სარემონტო სამუშაოები



მიწისქვეშა გადასასვლელი ძნელადისა და თამარ მეფის ქუჩებს შორის



კანალიზაციის მშენებლობა აგარის ქუჩაზე




მე-6 საბავშვო ბაღის მშენებლობა




სასწრაფო-სამედიცინო დახმარების სამსახურის ახალი ოფისი



სოფელ ხცისში და ახალშენში სასმელი წყლის ქსელის მოწყობა



სპორტ-კომპლექსის მშენებლობა



სასპორტო მოედანი კოსტავას ქუჩაზე



სურამის სამუსიკო სკოლის რეაბილიტაცია



მდინარე სურამულას ნაპირსამაგრი სამუშაოები



სურამში, 9 აპრილის ქუჩის სრული რეაბილიტაცია



მდინარე ბიჯნისულას ნაპირსამაგრი სამუშაოები



ქვიშხეთის საბავშვო ბაღის მშენებლობა



ყაზბეგის ქუჩის სრული რეაბილიტაცია



ყიფიანის ქუჩის მოასფალტება

ხაშურში, შინდარის უბანში სასპორტო მოედნის მოწყობა





ჭოროსკოპი რას გვიჩადის წითელი ცეცხლოვანი მამალი 2017 წელს

2017 წლის 28 იანვარს წითელი ცეცხლოვანი მაიმუნი მხიარულად დაგვიჩვენებს ხელს და დაგვემშვიდობება, ის მართვის უფლებას გადასცემს წითელ ცეცხლოვან მამალს. რა თქმა უნდა, ძალაუფლების შეცვლას მაიმუნვე ვერ ვიგეგმობთ, რადგან ორივე წლის სტიქიაც და ფერიც ერთნაირია. თუ წლის დასაწყისში მამალი მაიმუნის ნამოღვაწარზე დაკვირვებით შემოიფარგლება, გაზაფხულიდან უკვე გამოავლენს საკუთარ უფლებებს და გაგვაცხადებს თავისი არაპროგნოზირებადი, სასიამოვნო სიურპრიზებით.

სასწორი

მოვლენებით დატვირთული წელია, მოსალოდნელია უთანხმოება ოჯახში, წინააღმდეგობები, რომელთა გადასაღებად დიდი ძალისხმევა დაგჭირდება. კარგი იქნება თუ გაიაზრებთ და წარსულის შედეგებს შეაჯამებთ. ბრწყინვალედ დაგეგმარებათ ინტუიცია, რაც უამრავ პრობლემას გადაგატრევინებთ. სასწორებს ბევრი და აქტიური მუშაობა მოუწევთ, რისთვისაც დიდი ენერჯის ხარჯვა დასჭირდებათ, რასაც ადღეუნა სჭირდება. ახალი წამოწყებების სამომავლოდ გადადება მოგიწევთ, რადგან ისინი განწირულია მარცხისათვის.



ვერძი

ვერძისთვის ეს წელი საკმაოდ სტაბილური იქნება, განხილვა შესაძლებლობა იმისა, რომ მრავალმხრივ გაიუმჯობესოს ცხოვრება, მაგრამ გარკვეულ სირთულეებსაც ვერ გაექცევა. იმისათვის, რომ სასიკეთოდ შეიცვალოს, ვერძმა უნდა აღიაროს საკუთარი უარყოფითი თვისებები და იმუშაოს მათი გამოსწორებისთვის. ეს წელი კარგია მომავლის დასაგეგმად, განსაკუთრებით გაუმართლებთ მათ, ვისაც აქვს გარკვეული მიზანი და პირდაპირ მისივე მიისწრაფვის.



მორიელი

ზოდიაქოს ამ ნიშნისთვის 2017 წელი იქნება საინტერესო და მოვლენებით დატვირთული. ჩნდება ახალი შესაძლებლობები, რომლებიც ხელიდან არ უნდა გაუშვათ და აუცილებლად უნდა განახორციელოთ თქვენი გეგმები. განსაკუთრებით წარმატებული იქნება წელიწადის შუა პერიოდი. მეგობრები თავს გაგახსენებენ და დახმარებას გთხოვენ, არ ღირს უარის თქმა. ეს კავშირები თავადაც გამოგადგებათ მომავალში.



კურო

კუროს ეს წელი ძალიან აქტიური ექნება. პასუხისმგებლობების საკუთარ თავზე აღება მოუწევს, მთავარია გააზრებულად იმოქმედოს. კარგი წელია ძველი შეცდომების გამოსასწორებლად. სასარგებლო იქნება, თუ სხვის რჩევებსაც გაითვალისწინებს, მაგრამ სიჯიუტე კარგს არაფერს მოუტანს. წლის მეორე ნახევრისთვის აქტივობის დონე საკმაოდ აიწევს. შესაძლებელია მოულოდნელი ცვლილებები ან გატაცებები.



მშვილდოსანი

მამლის წელი მშვილდოსნისთვის ყველანაირი ურთიერთობის განვითარების წელია. სასიყვარულო კავშირები უამრავ ღამას წუთს აჩუქებს მას. მის ცხოვრებაში ბევრი ახალი ადამიანი და შესაძლებლობა გამოჩნდება, რაც აუცილებლად უნდა გამოიყენოს. მთლიანად წელი გაჯერებული იქნება პოზიტივით, აქტიურობით, ძიებებით, თუმცა იქნება აგრეთვე ნეგატიური მომენტებიც, მაგრამ მათ გადალახვას ოპტიმიზმით შეძლებთ.



ტყუპი

ძველი პრობლემების გადაწყვეტა, ოჯახური საქმეები - აი, რას მიანიშნებს 2017 წლის ჰოროსკოპი ტყუპს ცეცხლოვანი მამლის წელში. საქმეები მისდის წყნარად, ზედმეტი რყევების გარეშე, სიტუაციები განვითარდება თანაბარზომიერად...



თხის რქა

აქტიური და საინტერესო წელი ელოდება თხის რქებს, ბევრი ახალი ნაცნობობა, სიცოცხლის მაღალი ტონუსი. ამ წელს თხის რქა გაიგებს, ვინ არის მის გარშემო მყოფთაგან ნამდვილი მეგობარი და ვინ ხლართავს ინტრიგებს. მთავარია, ხელიდან არ გაუშვათ ის მომენტები და გამოიყენოთ საკუთარი პიროვნული ზრდისთვის.



კირჩხიბი

2017 წელს კირჩხიბებს დიდი ცვლილებები ელოდებათ, ასევე მოსალოდნელია, რომ მათ ცხოვრებაში გარკვეული გამოცდაც მოუწყოს. ნაცნობებმა და ახლობლებმა შეიძლება მათი კეთილშობილება ბოროტად გამოიყენონ, რამაც მათში შეიძლება მცირე ეგოიზმი გამოიწვიოს, რათა სადღაც ბოლოში არ აღმოჩნდნენ.



მერწყული

ამ ნიშნისთვის 2017 წლის ჰოროსკოპი პროგნოზირდება წარსულის დაბრუნებით, ძველი ნაცნობებისა და ურთიერთობების გახსენებით. რაც მათ გარკვეულ სიკეთეს მოუტანს, უკეთ გაარკვევს წარსულის შეცდომებში. არც ის არის შემთხვევითი, რომ ადამიანები წარსულიდან გარკვეულ როლს ითამაშებენ მათ მომავალ ცხოვრებაში და დაეხმარებიან მიმდინარე პრობლემების გადაჭრაში. სასიკეთო ცვლილებები იქნება მაშინ, თუ მერწყული ამას მოისურვებს. წარმატების მისაღწევად მათ მოუწევთ მთელი ძალისხმევის მობილიზება, მაგრამ თუ დინებას გაჰყვებიან, არანაირი იდეის განხორციელება არ ელით.



ლომი

წელი გაჯერებული იქნება ხიფათითა და ექსტრემით როგორც საქმეში, ასევე პირად ცხოვრებაში. წელს ურთიერთობების გარკვევა სასურველი არ არის. სახიფათოა აგრეთვე სარისკო ოპერაციების ჩატარება, ამას შეიძლება ცუდი შედეგები მოჰყვეს.



ქალწული

ემოციურად საკმაოდ დატვირთული წელია, ნერვები უკიდურესად დაძაბულია, რამაც შეიძლება კონფლიქტამდე და აფეთქებამდე მიგიყვანოს. გართულებულია ურთიერთობები გარშემო მყოფებთან. ამ შემთხვევაში საუკეთესოდ დაგეგმარებათ უნარი - დაგეგმეთ თქვენი დღე და რამენაირად მოახერხოთ გაღიზიანების შემცირება. ეს წელი სიკეთის



თევზები

ეს წელი თევზებისთვის საკმაოდ დინამიური და მოვლენებით დატვირთული იქნება. ბევრი საქმე და ბევრი ახალი ინფორმაცია. მარტოობას ნუ მიეცემით. მთავარია ურთიერთობები მეგობრებთან, კარგია ახალი ნაცნობების შექმნა. თევზებს გაუჩნდებათ მოთხოვნილება თვითსრულყოფისკენ და საკუთარი ცხოვრების შეცვლისაკენ. ახალი გარეგნული სახე, საქმიანობის შეცვლა, ხშირად განაცვიფრებს მეგობრებსა და გარშემომყოფთ, ასევე გასაოცარი იქნება მათი გამომწვევი და უცნაური ქცევებიც...



მომგანი იქნება შემოქმედი ადამიანებისთვის, ასევე კარგია პროფესიული უნარების განვითარების თვალსაზრისით.



ზამთრის სიურპრიზი სურამში.

ანატოლი ფილიშვილის ფოტო.

ერთად შევეგებოთ ახალ წელს!

31 იანვარს, საღამოს 10 საათიდან, ქალაქის ცენტრალურ მოედანზე გაიმართება დიდი საახალწლო გალა-კონცერტი. ადგილობრივ შემსრულებლებთან ერთად, კონცერტში მოწვეული მუსიკოსები - ყველასათვის ცნობილი სახეებიც მიიღებენ მონაწილეობას.

კონცერტი გრანდიოზული ფოიერვერკით დასრულდება. გიწვევთ ყველას. ერთად შევეგებოთ ახალ, 2017 წელს!

მუნიციპალიტეტის გამგეობა



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.

